

次知聲舉誦華夏讚

次引至梵詞所序立

次引上香度詞奠酒拜退

次知聲舉誦回向讚

上來設醮功德伏願太上弟子某及臣等同

賴善功成無上道一切信禮

次高功法師回向念善云

奉為太上弟子某人祈恩謝過集福消災念

大聖元始天尊無極大道靈寶天尊太上老

君紫清降福天尊延壽益算天尊長生保命

天尊八卦護身天尊九宮捍厄天尊十方靈

寶天尊日蓋大慈真人月靜大悲真人南昌

延壽真人三清玉藏真人玉京山中一切仙

聖不可思議功德

次知聲舉醮事畢弟子退位

則三

天心正法修真道場設醮儀

太上三洞傳授道德經紫虛籙拜表儀 則三

廣成先生杜光庭集

弟子聽師戒約起謝訖

次起左旋行誦通玄讚八首

至道常虛寂 玄化應真精 分神通一切

凝景在三清 恍惚生有象 冲冥見無形

逐運開緣會 因機說妙經 修之登景漢

慢之墮幽囚 天女散金華 神童唱玉聲

十華迴寶蓋 九鳳遏雲營 若能弘至嘖

家國悉安寧

五德諸天界 三千道境中 是非更有待

生死互無窮 妄起貪瞋獄 虛成殺害宮

謬言人我異 安知彼此同 六骸俱不實

萬法悉歸空 體隨煩惱盡 心與色塵終

未能求解脫 常只處樊籠 若欲常自在

稽首至道宗

天堂與地獄 凡夫及聖人 悉從方寸起

非復有餘因 悟則聰明友 迷為愚瞽隣

苦鬼猶有識 罪魄亦含神 何為沈惱難

良由不信真 棄此身上寶 染彼世間塵

既依流浪海 還沒死生津 若欲度此苦

安坐自觀身

善哉元始尊 慈悲度一切 德出虛空表

功滿塵沙界 廣說大乘經 發生無上慧

輪迴周億劫 教化通三世 精貫有形中

妙窮無色際 迹遍十方域 道應天大帝

權實度天人 機緣隨巨細 神用難可窮

方圓無不制 罪福猶鏡象 生死若輪迴

誰識暗中來 未慕三天闕 唯愁五苦臺

罪寇隨運盡 幽魄應緣開 精氣空浮爽

形骸久化灰 且甘為鬼質 誰念入仙胎

徒願青書錄 終悲黑簿催 法輪難再覩

長夜足堪哀 我身良可惜 宜各修生道

多持黃金草 結志行六度 專心樂三寶

白元來降接 赤子常携抱 朽年慙晚學

壯歲須及早 知足自逍遙 貪榮更憂惱

坐觀環堵大 靜覺乾坤小 守一若無移

終天豈云老

三千分世界 五億化諸天 一一開淨域
方方有勝緣 九光生院草 七寶滿池蓮
行館排朱日 飛臺映紫泉 燒香皆玉女
說法盡神仙 梵引九嘯鳳 鑪飄五色烟
稽首虛皇闕 歌詠太上前 慎莫忽宿命

當須信福田

道化三元布

天書下赤渾

太上垂至蹟

妙理五千文

心中生寶日

載劫乃長存

神凝萬象分

應期鏗法鼓

威德被乾坤

字列金華府

身上起羅雲

十仙何足友

龍漢開玄錄

隨方啓妙門

神經三一侍

名傳玉帝君

身起羅雲

十仙何足友

次吟授經讚

飄飄太虛嶺

常保天地人

賢者今奉受

保秘不妄宣

我說無爲道

次師還本位弟子就南方面北各跪

降五靈衛官一一稱名受

臣今爲弟子某官某校度道德尊經紫虛寶
錄告事訖請下東方九炁天中天真官屬九
夷蒼老君青腰王女青華玉童東極諸靈官
從甲乙官將歲星真炁東嶽仙官神仙兵馬
九萬人入弟子某身中紫微宮管衛真經永
昇道果某受

道果某受
請下北方五炁天中天真官屬五狄蒼老君
官將太玄王女太玄玉童北極諸靈官從壬
癸官將辰星真炁北嶽仙官神仙兵馬五億
萬衆入弟子某身太倉宮中侍衛寶經永昇
道果某受

請下南方三炁天中天真官屬八蠻趙老君
絳宮王女丹靈玉童南極諸靈官從丙丁官
將熒惑真炁南嶽仙官神仙兵馬三萬人入
弟子某身中太一絳宮管侍寶經永昇道果
某受

請下太極典經仙官太玄道德侍衛與天地
玉童王女三一侍經官屬入弟子某身三元
宮中管侍尊經永昇道果某受
唱訖弟子再禮

次唱十方

請下中央一炁天中天真官屬三秦僊老君
黃庭王女戊己真人九靈黃童中極諸靈官
從戊己官將鎮星真炁中岳仙官神仙兵馬
一十二億萬人入弟子某身中玉堂宮侍衛
尊經永昇道果某受

至心歸命東方無極太上道德天尊一禮
至心歸命南方無極太上道德天尊一禮
至心歸命西方無極太上道德天尊一禮
至心歸命北方無極太上道德天尊一禮
至心歸命東方無極太上道德天尊一禮
至心歸命南方無極太上道德天尊一禮
至心歸命西方無極太上道德天尊一禮
至心歸命北方無極太上道德天尊一禮
至心歸命上方無極太上道德天尊一禮

至心歸命下方無極太上道德天尊一禮

次懺悔

上清玄都大洞三景弟子奉行道德傳授法事某獻某帝先生小兆真人臣某上啓

太上無形無名虛無自然至真大道無上天

尊太上大道君太上老君無極大道道德衆

聖至極天尊三十六部尊經玄中大法師高

上老君無上真人文始先生河上真人太極

真人太極左仙公玄一三真人天師嗣師系

師三師君三界十方一切衆聖隨機宣化應

感真靈臣以至愚叨承妙化弘持大法轉贊

三尊而志在立功廣加開度使接心慕教之

士咸入法門既佩靈文不敢開絕凡有新向

難以抑違弟子某等慊切明誠懇慕修奉唯

進忘退勇猛精勤心神並丹詞色俱懇輒以

依科付授盟告上玄三界真靈克賜監證伏

惟

至真上聖道德天尊五帝四司三官衆聖垂

祐護之福降感應之慈原赦弟子某九世七

玄億曾萬祖三師眷屬爰及已身積劫以來

未悟真道陰罪陽過生死懲報後債前冤宿

新孽業無邊無量並賜蕩除賜令九祖生天

六親同福三途長夜普及冤親乘此勝緣盡

蒙開度削落地簡刊紀仙名道行超昇學業

速就門戶隆盛災厄銷平國祚延洪道風遐

肩臣等傳經授道動靜乖科萬罪千尤咸乞

原赦預聞大法凡厥有心惠力所覃幽明俱

泰稽首禮謝十方歸命正真三寶

次起旋行誦光明讚一首真人讚六

立功須及早 學道亦當時 晝夜宜勤苦

發意莫狐疑 燒香常禮拜 誦經恒奉師

勇猛加精進 專誠無想思 四等將六度

三奔與五堆 洗塵入空寂 虛心將自持

唯期不轉退 宜爲人所嗤 若能如是者

朝夕自仙飛

大道雖無心 可以有情求 竹駕空洞中

迴瞻鬚瀟流 淨明三界外 蕭蕭玉京遊

自無玄挺運 誰能悟冥趣 落落天漢澄

俯仰即虛乘 七玄散幽夜 返胎順沈浮

冥期苟潛疑 陽九無虞憂 觀此去來會

時復爲淹留 外身而身存 真仙會良儔

聲靈玄中趣 湛湛清漢波 代謝若旋環

椿木不改柯 靜心念至真 隨運順難羅

感應理常通 神通達自徂 澹遊初無際

繁想洞九遐 飛根散玄葉 理返非有他

常能誦玉章 玄音徹霄霞 甲申洪災至

控翮王母家 永享無終紀 宣知年劫多

玄都七寶林 十華並彌羅 紫烟冠靈暉

靈京秀玉阿 上有揚德堂 宮室亘參差

皆是清信士 真仙飛天家 三界通玄路

五道清不邪 善緣應根生 累功享福多

牽對相尋續 大法諒不虛 無有萬年人

皆與劫同徂 依依歡樂世 發言成詠歌

此世歡無極 當奈來還阿

八觀因緣門 罪福從中生 時見有心者

思悟感天靈 吾今爲是故 開說真妙經

如從經中言 憶劫皆受荼 習道行勤戒

以經度我形 思念宿命根 洗拔先身嬰

超越過三羣 八難於是冥

竟返入定質 神操從是榮 滅度如蛇胞
曠朗觀八清 轉輪得神仙 由我改心精
受報無窮量 志定入福庭 七十二相好
皆從身中明 項負七寶光 照耀諸天形
雲迓八景興 風迴匡絳軒 昇入玄玄門

期樂樂未央

妙通轉我神 弘普無量功 道成天地初

輪化發九重 滅度歷生死 緣對各有宗

執悟去來苦 形覓無始終 積善隆福基

身拔五難鋒 脫離三惡道 蕭蕭入闌堂

念度無邊境 思定感神通 法輪三度迴

輔我高仙功 迴我大椿步 飄昇太極宮

右每章讀畢衆官唱善禮一拜

次師復位謝恩口啓言功謝過章

上清玄都大洞三景弟子無上三洞法師奉

行道德紫虛傳授法事某嶽某帝先生小兆

真人臣某稽首再禮上啓

太上無極至真無上無爲大道道德天尊三
十六部尊經玄中大法師高上老君河上真
人文始先生十方已得道大聖衆至真三界

內外一切諸天真君臣以福善所鍾遭值明
運三洞垂化濟度天人叨荷師真授傳秘妙
救人佐國行教立功常懼任重微弗克負
荷恩傳後學弘紹法門弟子某等信向翹勤
情旨丹切列詞奉信志在稟修謙懇之誠理

難抑絕即以某日依三洞科典敷啓壇場露

表告真對齋祈請真靈降鑒障難不生既合

天儀似可傳度以今某時傳授事訖自始及

未勞歷仙官內外吏兵一切官屬關達奏御

管衛有功各依太真之科校功酬賞臣以愚

昧玄理難明進正犯違千愆萬罪特乞赦宥

許以自新衆官門人咸賜福祐善稱三界福

滅九陰道氣扶持真靈接助學道成就克獲

神仙七祖生天存亡蒙澤若居世上福祿日

增爲天人師弘道利物臣及弟子某等身中

所佩三五真官受功事竟各還官府恩惟

太上道德衆尊省納臣口啓即時上御廣加

闡宥俟須告報臣某誠惶誠恐稽首再拜以

聞

次納吏兵

臣傳度經法事訖前後所出身中仙官吏兵
功曹使者主領檢押還復宮室無令錯互須
召又到一如故事

次復鑑

香官使者左右龍虎君侍香諸靈官當令臣

傳授之所自然生金液丹碧芝英百靈衆真

交會在此香火御前十方仙童玉女侍衛香

烟傳臣向來所啓徑達

至真無極玉皇尊帝御前 各三禮

次吟奉戒讚

奉戒爲身寶 永劫享靈期 虛心會虛寂

精感在精思 九鸞陪玉軼 八鳳薦金芝

青童歌妙曲 玄女唱清詞 神尊示光景

太上湛希夷 天華雜香起 法雨散靈滋

勤苦修生道 翹想作仙基 精誠如不息

鶴駕自當之

次十二願

次學仙讚

次出戶呪

次辭三師

次讚引至玄師前散如常儀

衆官弟子各禮謝復位

弟子受道三日外相率自拜謝恩表

弟子未慣法事科式監保師一人代

為行之如左

具法服陳香火漂漱讚引至地戶

次入戶呪向戶左叩齒三通呪曰

四明功曹通真使者傳言玉童侍靖玉女為

我通達道室正神上元生氣入我身中畢便

以左足前進右足隨之昇壇

次上御案香呪曰

香乃玉華散景九炁凝烟香雲密羅徑冲九

天真靈下盼仙佩臨軒侍香金童傳言玉女

傳此信香上聞

帝前令臣所啓咸賜如言

次各就本位立存神

弟子衆官各瞑目存見玄都十山三尊太上

十方真人十方天尊三十六部尊經居天尊

座左玄中大法師居座之右若君河上真人

尹先生居虛無之中左青龍右白虎前朱雀

後玄武衛壇四方三十六師子在壇前羅列

己身頭中七星五藏生五氣羅文覆身上三

一侍經各千乘萬騎天地各有萬八千玉童

玉女衛身分明羅列訖

次鳴法鼓三十六

次發鑪

太上玄元五老神真太玄玉童太玄玉女左

右侍香龍虎衆官開啓無上至真大羅天中

太玄都玉京玄司臣今以佩受道德尊經紫

虛寶籙三日限滿拜表謝恩願得自然正真

之氣決降臣等身中所啓上達徑御

無極大道玉皇尊帝御前 各禮三拜

次長跪鳴法鼓三十六通出官如法

謹出臣身中五體真官功曹吏出臣身中三

天執法開化陰陽功曹度道消災散禍解厄

君吏各十二人出臣身中治職君吏某治建

節監功大將軍前部効功後部効殺驛亭令

驛亭丞四部監功謁者臣身中上仙上靈直

使正一功曹左右官使者陰陽神決吏科車

直符吏剛風騎置吏驛馬上章吏官各二人

出出者嚴裝顯服冠帶垂纓整其威儀且使

功曹戴通天之冠衣皂紬單衣正一功曹冠

朱陽之幘絳章單衣使者冠九德之冠五色

壽命單衣腰帶虎符齋執玉版直使功曹住

立上方正一功曹住立中央理病功曹營衛

臣身左官使者建節在前右官使者持幢在

後陽神決吏立左陰神決吏立右上部功曹

住立上方中部功曹住立臣身中促氣功曹

催促十方上部使者遠望上天中部使者遠

瞻八方都官使者市繞臣身中郎吏虎賁察

奸鉤騎都官偉射天鄒甲卒天丁力士收氣

食氣吏收神食神吏收鬼食鬼吏收邪食邪

吏收精食精吏收毒食毒吏誅符破廟吏科

車亦符吏剛風騎置吏驛馬上章吏飛龍騎

吏等屯住臣前後左右功曹使者嚴裝事竟

羅列圍簿關啓太玄道德五千文官屬領仙

監齋君吏天師所布下二十四治三十六靖

慮七十二福地三百六十名山崑崙等上宮

三萬六千神日月星宿璇璣玉衡天地五帝

三界官屬君將吏兵及道上二玄三元四始

四面方位風炁注炁甲子諸官君將吏考召
君東九夷南八蠻西六戎北五狄中三秦胡
越氏羌僮等君五嶽四瀆丘沼君諸廟神祇
所在高山山川溪谷山林孟長十二溪女根
原本始土地之主社稷將吏一時嚴裝與臣
等身中功曹使者飛龍騎吏等上啓

太上無極至真無上無爲大道道德天尊三
十六部尊經玄中大法師高上老君河上真
人文始先生三界十方一切已得道大聖衆
天地表裏無量正神臣等億劫福緣生值道
化真經御運正法度人惟善是從不陋微賤
而臣等已參初法修奉護持今年某月某日
蒙師某君於某宮觀傳授道德青絲金經紫
虛寶籙及真經上下河上公章句想爾要戒
存圖傳訣朝儀齋法三日限畢拜謝恩朱表
一通上聞九天功曹使者飛龍騎吏以時騰
奏請省表文

次開函取表

新授太上帝德高玄高上紫虛弟子臣某等
稽首再禮上言

太上玄元老君高上老子玄中大法師河上
真人文始先生無上真人玉童下臣等下土
至愚塵微元賤億劫緣會獲奉法門而妙道
度人太上垂化唯善是與無棄於人頃歲已
來參受正法今蒙真師某嶽先生某授以青
絲金經道德尊經高上紫虛天書秘籙河上
公章句想爾要戒存圖傳訣西昇上品妙真

玄經六甲存圖歷藏玉曆朝儀齋法畢盡付
授自惟囊土凡穢非天挺之才實懼修奉未
精弗任肩荷拊心省己戰汗交襟唯勵丹誠
永期專奉伏惟
至真衆聖道德高尊三洞威神三寶官屬降
以真氣賜以光靈使存注感通功行圓備魔
精摧伏道化隆昌佐國立功濟人度物真靈
覆祐存歿沾榮九祖七玄三途六趣神功所
被咸享福緣謹以三日限畢拜謝
恩朱表一通上詣

太上曹伏須告報臣某等誠惶誠恐死罪死
罪稽首再拜以
聞

次叩齒三通遣表

臣重因衆真上官功曹使者飛龍騎吏分別
關奏操臣新受經法三日限滿依法拜謝恩
黃緒朱表一通上聞

天曹臣謬參治錄耳目閉塞檢校不聰所上
表文恐有錯誤行列不端文字不整脫漏顛
倒音句不屬將前作後以左爲右事任陰陽
神決吏傳言書佐習字小吏隨表進對龍頭
書刀尋文削治長毫利筆依儀證定母令上
官典者有所遺却閑亮昇表逕達

太上太清金闕玉陛御前左歷歷關右吏歷
啓諸官君歷第以次分別關啓當令臣所請
者下所召者到所濟者度所奏者達若有下
官故然邪精鬼賊在雲路之中過截表文使
不上達者錄付近獄依律治罪以明

天憲臣伏在案左恭俟玄恩報應

膳章進表仙官 此呪默念

靈寶大帝 勅下九天 玉帝命令 勅震乾罡
統攝北部 掌執鬼仙 千千万萬 隊仗擁前
旌旗開目 烈火衝天 敢有干酉 擲視吾前

收斬見帝 永送羅鄴 官一小吏 五體神仙
各隨章表 直造帝前 達吾之命 當奏三天
逼逼鬼摩 束送魔還 四靈衛護 不許離前
掃蕩魔賊 功果周圓 齋事告畢 言功紫顏
急急如律令

靈炁混太極 大道以無窮 神兵受詞語
飛攝入太空

操伏 焚表訖 起身 納官

臣上表事竟所出臣身中功曹使者一切靈
童官吏各從衆妙門而入在左還左在右還
右直使功曹主領檢押復於宮室毋令差互
後召復到一如故事

十二願

復鑪

香官使者左右龍虎君侍香諸靈官當令臣
傳授之所自然生金液丹碧芝英百靈聚真
交會在此香火御前十方仙童玉女侍衛香
烟傳臣向來所啓徑達
至真無極玉皇尊帝御前

出堂

太上三洞傳授道德經紫虛錄拜表儀

正一天師清微弟子 洪百堅 製作

道教學術資訊網站

太上三五傍救醮五帝斷殛儀

則四

夫人家忽逢天災厄難家口癘疔經一日
五日者此是宅舍前後五帝神祇不衛於
人及有四方隣里忽被染剔皆是天行疫
鬼雲中李子邈張元伯劉元達烏丸鬼等
病患人家但是人家若患天行時疫三年
內皆再發一度可於醮曆檢定良日求一
道士延請就宅若辦得修神呪齋一日兩
夜三日三夜若不辦只請一人醮五帝所
須色目具列如後

真乳頭香一兩半六案六面筆五管墨五

錠五方絲各一段隨方手中五條各長四

命綠米五盤每盤一斗酒一斗子四信錢

五分每分一百文一盤一東五帖錢則醮盤

四十分餅餅胡桃乾菓乾茅香湯一椀燈

十二盞桃牌六枚各長一尺一寸

師位居北叩齒三十六通入壇解

穢

次禁鬼門

次衛靈呪